

# TROCHILUS COLUBRIS.

\*\*\*\*\*

## CHARACTER GENERICUS.

*Rostrum* subulato-filiforme, apice tubulato, capite longius : Mandibula superior vaginans inferiorem.

*Lingua* filiformis, filis duobus coalitis tubulosa.

*Pedes* ambulatorii.

*Lin. Syst. Nat.* p. 189.

## CHARACTER SPECIFICUS, &c.

TROCHILUS rectirostris viridi-aureus, rectricibus nigris, lateralibus tribus ferrugineis apice albis, gula flammea.

*Lin. Syst. Nat.* p. 191.

MELLIVORA gula rubra.

*Edw. Av.* t. 36.

MELLIVORA Avis Carolinensis.

*Catesb. Carol.* 1. p. 65.

---

Coloribus nitidis adeo gemmeisque exornatur minutum Trochili genus, ut si cum his comparantur, non modo fordeant prorsus et obscurentur avium plurimum regiones calidiores incolentium venustissimi colores, sed et aurum ipsum pyropusque longe superentur. Nequeunt igitur ulla arte splendidissimi hi colores ad

vivum exprimi, quæ tum sane magnum præstitit, si  
insigne harum avium decus imitando adumbraverit.  
Regulus cristatus Europæus avicula omnium minima  
diu habebatur, et stupebant prorsus nostrates physici,  
cum aves Americanas vel ipsis infectis Europeis mi-  
nores conspicerent; inter quas est Trochilus vix scarabæo  
vulgari major. Cum tamen minuta hæc species  
cæteris cedat colorum splendoribus, fatius duxi aliam  
eamque elegantiores exprimere.

Formosissima hæc avicula plurimas Americæ partes,  
Carolinam præcipue tam Septentrionalem quam Aus-  
tralem inhabitat. Rostrum illi nigrum est. Corporis  
superiora splendent aureo-viridi, et mutabili colore.  
Gulam decorant plumæ coccineæ nitidissimæ, quæ pro  
lucis ratione in aureum fulgentissimum transeunt.  
Pectus et abdomen albicant. Alarum remigeo fusco-  
purpurei. Feminae superficies inferior albicat, carens  
omnino rubore illo eximio quo mas insignitur. Mi-  
randa est huic aviculæ pennarum velocitas. Inter  
volandum cibum capit phalænæ more, linguam nempe  
tubulatam in fundum florum immergens et mel inde  
exugens. Pugnacissimo est ingenio, nec raro de eodem  
flore acerrime dimicatur. In domus frequenter invo-  
lat Trochilus, cumque, more insectorum Europæorum,  
tres quatuorve gyros egerit, dicto citius e fenestris effu-  
git. Ubi densissima est arborum coma nidificat, ple-  
rumque inter furcas ramulorum. Diametros interna  
nido est uncia, profunditasque uncia dimidiata:  
tomento, seu lanugine plantarum intus struitur, ex-  
trinsecus musco et lichene stipatur. Ova tantum duo  
deponit hæc avis, alba, magnitudine pisorum. Dum  
incubat



Shaw, George. 1791. "Red-throated Hummingbird, *Trochilus colubris* [Pl. 66]."  
*The Naturalist's Miscellany* 2(XXII),

**View This Item Online:** <https://www.biodiversitylibrary.org/item/276232>

**Permalink:** <https://www.biodiversitylibrary.org/partpdf/310717>

**Holding Institution**

Museums Victoria

**Sponsored by**

Atlas of Living Australia

**Copyright & Reuse**

Copyright Status: Public domain. The BHL considers that this work is no longer under copyright protection.

This document was created from content at the **Biodiversity Heritage Library**, the world's largest open access digital library for biodiversity literature and archives. Visit BHL at <https://www.biodiversitylibrary.org>.